


Goibekokale

ELGETA / Barikua / 2004eko uztailearen 16a / 194. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95



Iazko irabazleak eta sari emaelek lasterketa amaitu ostean Elgetako plazan.

Mendiko txirrindulari lasterketa domekan

IRATI AGIRREAZALDEGI

Datorren domekan, uztailearen 20an, Euskadiko Mendiko Txirrindulari Lasterketa jokatuko dute txirrindulari amateurrek goizez. Aurtengoa probaren hogeigarren edizioa izango da. Elgetan abiatu eta 124 kilometroko ibilbidea egingo dute.

Euskadiko 20. mendiko lasterketan txirrindulari amateurrek bilduko dira Elgetan. Proba domekan, hilaren 18an, izango da goizez, eta antolatzaileek 130 txirrindulari inguru espero dituzte irteera puntuan.

Trofeo Euskaldun zirkuiturako puntuagarria da lasterketa eta txapelketa horretan lehian diharduten taldeetako ordezkariak izango dira Elgetan.

Maila horretako Euskal Herriko txirrindulari talde guztiek hartuko dute parte eta baita Espainiako beste hainbat tokitatik etorritakoek ere.

Hala ere, Avilako Bira jokotan denez, baliteke hainbat ziklista bertan izango direnez ez etortzea Elgetan parte hartzera.

Lasterketako parte-hartzaileen artean elgetar bat ere egongo da domekan: Xabier Aranguren. Eibarko Debarrena taldean dihardu gaur egun Aranguren, eta baita Gipuzkoako selekzioan ere.

Aranguren esan digunez, lasterketa gogorra izango da domekako. "Amateur mailan ibilbidea bera gogorra ez izan arren, erritmoa azkarra izaten da, eta lasterketa bakoitza ezberdina bada ere nahiko ongi ikusten dut nire burua parte-hartzaile moduan. Herriko lasterketa izanik urduri eta normalean baino tentsio handiagoarekin egongo naiz. Hala ere, ahalegina egingo dut ihesaldiren batean sartzeko eta aurre samar amaitzeko", esan digu Xabierrek.

Amateurren mailako egun bakarreko probarik gogorrenetakoa da Elgetakoa

TXIRRINDULARI EZAGUNAK

Gaur egun izen handikoak diren txirrindulari asko pasatu dira Elgetako lasterketatik. Euskaldunen artean Aitor Osa, David Etxebarria, Iñigo Cuesta, Jon Odriozola, Joseba Beloki eta Iñigo Landaluze, besteak beste. Unai Osa bi urtean podiumeko goren tokian egondakoa da.

IBILBIDE GOGORRA

Goizeko hamarretan abiatuko dira txirrindulariak Elgetatik eta 124 kilometroko ibilbidea egin beharko dute. Besteak beste, Areitioko gaina igo beharko dute eta baita Asentzio ere bi aldiz.

Adituen esanetan, ibilbidearen ezaugarriak eta okerruneak kontuan hartuta, amateurren mailan egiten diren egun bakarreko probetan lasterketa gogorrena eta garrantzitsuen da.

Antolatzaileetako batek esan digunez, Asentzioko igoeran hauts daiteke lasterketa eta bertan irabazlea erabaki.

Lasterketa 13:15 inguruan amaitzea aurreikusi dute, eta ondoren egingo da sari banaketa. Txapeldunak 240 euro eta garaikurra jasoko ditu.

LABUR

Tourreko Pirinioetako etapak pantaila handian emango dituzte Espaloian

Asteburu honetan Tourreko Pirinioetako etapak pantaila handian ikusteko aukera izango da Espaloia Kafe Antzokian. 4x6 metroko pantaila ipiniko dute bertan, eta zuzenean TVEtik botako dituzte irudiak. Bestalde, Tourra ikustera bertaraten direnek zenbaki bat jasoko dute eta euren artean Euskalteko kamisetak zozketatuko dituzte, bi egun bakoitzean. Goienak eta Euskaltelek egingo dako akordioaren bidez lortutako kamisetak dira.

Jaien balorazioa egiteko bilera datorren astelehenean izango da

Hilabete hasieran izan ziren Azoka Nagusiko jaiak eta aurki herriko auzo eta kaleetan ere jaiak izango dira, Goimendin, Salbador kalean eta San Roken, besteak beste. Baina jai nagusiak pasatuta aurten izandako ekitaldien balorazioa egiteko asmoa azaldu du Jai batzordeak. Horrela, gaizki egindakoak datorren urtean hobetzeko eta ongi joan dena errepikatzeko ahalegina egingo dute. Batzar hori astelehenean izango da Udaletxean, 21:00etan.

Mendi Federazioak lokal bat eskatu dio Udalarari Elgetan egoitza bat ipintzeko

Euskal Mendizale Federazioak eskaria egin dio Elgetako Udalarari herrian lokal bat laga diezaion euren egoitza bat ipintzeko. Egoitza sozial bezala erabili nahi dute lokala, eta uste dute kultur etxe-ko gelaren bat egokia izan daitekeela horretarako. Besteak beste, bilerak egiteko izango da egoitza hura, eta baita artxiboa bertan edukitzeko ere. Artxibo horretan, bileren aktak, araudiak... jasoko dituzte. Udalak eskaria aztertu behar du eta ondoren Mendi Federazioari helaraziko dio erabakia.

Aranzadi elkarteak webgunean ipini du Elgetako hilobieiei buruzko informazioa

Aranzadi elkarteak talde batek jardun zuen orain dela gutxi Espainiako gerrako hilobiak aztertzen Elgetan. Egindako aurkikuntzen ostean, txosten bat kaleratu dute bertan jasotakoaren berri emateko. Informazio hori guztia webgunean ipini du Aranzadi zientzia elkarteak. www.aranzadi-zientziak.org helbidera jo beharko dute interesatuek eta Berriak atalean aurkituko dute hilobien berri. Besteak beste, Intxortako borrokari eta Elgetaren hartzeari buruzko informazioa, Intxorta eta Antsoategiko hilobietara egindako bisiten txostenak, ikerkuntza taldea... Hori guztiori argazki eta mapekin lagunduta agertzen da.



GIZARTEA

Herriko nagusiendako zentroa inauguratuta

I.A.
Gaur goizean inauguratu dute Domingo Iturbe kalean Elgetako nagusiendako zentro balioanizduna. Udaletxeko eta Foru Aldundiko ordezkariak gain, herriko hainbat edadetuk ere egin du bertara bisita.

Goiko solairuan etxebizitza babestua egongo da. Bertan, sukalde, egongela, hiru logela eta bainugela daude.

Beheko solairuan, berriz, eguneko zentroa dago. Hemen, bi mahai ipini dituzte aulkiekin eta baita besaulki batzuek ere. Erabilera anitzeko gela honekin bate-

ra bainugela geriatrikoa, bulegoa eta bilgetia ere badaude bertan.

DOMEKAN IREKITA

Inaugurazio ofiziala gaur egin duten arren, zentroa irailean hasiko da funtzionamenduan. Izan ere, oraindik erabakitze dago zeinek kudeatuko duen egoitza. Interesatuek uztailaren 26ra arteko epea dute euren proposamenak aurkezteko.

Baina aurrez egongo da zentroa ezagutzeko aukerarik. Domekan, uztailaren 18an, atak zabalik egongo dira herritarrendako 11.00etatik 13:00etara eta 18:00etatik 20:00etara bitartean.




Eguneko zentroa beheko solairuan egongo da eta, besteak beste, hainbat mahai eta aulki ipini dituzte bertan.

KIROLA

Kontuak egiteko ordenagailu berria Intxorta elkarte

I.A.
Plazan egoitza duen Intxorta elkarte gastronomikora ordenagailu berria ekarri dute. Honen bidez, elkarteko kontuak bertan egingo dituzte bazkideek, eta makina hau ipintzearen helburua elkarteko kontuak egiterakoan lana erraztea da.



Ordenagailua ipini badute ere irailera arte ez dute bazkideek erabiliko.

Elgetako elkarteak garai berrietara egokitzen ari dira pixkanaka. Ozkarbin ipini zuten lehengo elkarteko kontuak ordenagailu batekin egiteko aukera eta aurki Intxortako bazkideek ere berdin jardungo dute.

Gaur egun, 62 bazkide ditu Intxorta elkarteak eta beste 24 erretiratu ere ohorezko bazkide dira. Hilero haien kontuak egitea ez da lan makala, eta teknologia berriak erabiliz kontuak egiten dituenari lana erraztea da makina honen helburua.

Oharren taulan ipini dute ordenagailua eta bazkide bako-

tzak txartel bat izango du. Txartel hori sartu eta teklaturik gabe, pantailan bertan sakatuz kontsumitutakoa apuntatuko da.

Informazioa zuzenean ordenagailu orokorrera bideratu eta bazkideei dagokiena kontu korrontetik kobratuko diete gero.



Saria, dantzariak ezagutzeagatik

Dantza Plazara argazki erakusketan 200 argazkitik gora egon dira ikusgai Espaloian. Horietako lau argazkitan agertzen zirenen izenak asmatzen zituenarentzat sari bat zuten gordeta antolatzaileek. Eli Arantzabalek asmatu ditu guztien izenak eta ordainetan Elgetako Kultura Etxearen irudi bat jaso du sari modura. Erakusketaren antolatzaileek esan digutenez, estimazio handia izan dute argazkiek eta jende ugari pasatu da eurak edo etxeok argazkietan topatzera./I.A.

Patxi Taberna

• Bokata goxoak • Plater konbinatuak
• Espezialitatea: Tripakiak

Salbador, 3 Tel.: 943 768 093 Elgeta

ELGETA AUTOAK

Berraondokoa z/g ELGETA
T. 943 76 82 02 F. 943 76 82 98

Jesus Mari Montiel
**ITURGINTZA
ETA BEROGAILUAK**
Artekale 3
Mo: 656783299 Eibar
Tel: 943 70 07 19
**KONPONKETAK
SUKALDE
ETA BAINUGELETAN**



Indartsuago.

Mundu-mailan estandar berri bat sortu da Espres-zerbitzuei, merkantzien garraioari eta logistikari dagokienez.

DHL markapean bildu dira Guipuzcoana Euro Express, paketeen alorrean Europako buru dena, DHL Worldwide Express, aireko garraio espresentan munduko buru dena eta Danzas, aireko eta itsasoko zamen alorrean munduko buru dena. Honela are hobea den zerbitzu globala eskaintzeko. Modu honetan eskaintza, zerbitzu eta aukera gehiago jartzen ditugu zure eskura munduko 220 herrialde baino gehiagotan. Zure beharrak edozein direla ere, horiei erantzuna emateko prest gaude. Jar zaitez gurekin harremanetan eta DHLren indar osoa izango duzu zure negozioaren zerbitzura.

DHL Express Bergara
San Juan Erreka 33
20570 - Bergara
Tel.: 943 763 642
Faxa: 943 765 425

MUNDUA MUGITZEN DUGU 